

O MUSUMUSUGA LILO, O VAVEGA, MA FESILI

O se malaga e te savali ai, saili ma
iloa le finagalo o le Atua mo lou
olaga



O Musumusuga Lilo, O Vavega, ma Fesili

O se malaga e te savavali ai, saili ma iloa le finagalo o le Atua mo lou olaga
2026

Also available in a variety of other languages. Follow this link to find them.
<https://hub.ucaqld.com.au/resources/ministries/#period-of-discernment>



© 2026 Trinity College Qld, Uniting Church in Australia, Qld Synod.

Tusia e Rev Paul Clark faatasi ai ma le fesoasoani a Gary Adsett, Claire Bateman, Jesse Caulfield, Becky Clark, Jennifer Clark, Grant Erickson, Rev Rod Fisher, Rev Linda Hanson, Rev Levon Kardashian, Adam Legge, Rev Malcolm Scanlan, Rev Seiuli Tino Scanlan, Dr Jamie Smith, Moana Teulilo-Schaaf, Trent Wheeley and Amy Yang.

Upusii o mau na sii mai le Tusi Paia, New International Version®, NIV®. Puletaofia © 1973, 1978, 1984, 2011 e Biblica, Inc. Fa'aaogaina ma le fa'atagaga a Zondervan. Ua taofia aia tataua uma i le lalolagi atoa. www.zondervan.com

Contents – Lisi o Mataupu

Folasaga	5
1. Valā'au i le Tatalo	8
2. Sailia se Paaga mo le Fefaasoa'a'i Faaleagaga (Discernment).....	9
3. E Manino le Finagalo Aoao o le Atua.....	10
4. Valā'au e Su'esu'e Meaalofa Fa'aleagaga.....	12
5. Valā'au e Su'esu'e Tala mai le Tusi Paia	14
6. Valā'au e Su'esu'e Uiga o Lou Tagata (Personality Type).....	16
Sailiga o le Finagalo o le Atua	18
7. Valā'au e Su'esu'e Fuai'upu o le Tusi Paia	21
8. Valā'au e Auauna – Saili ma Taumafai.....	23
9. Valā'au e Saili le Atamai/Le Tofa a lou Lou Nu'u/ Ekalesia.....	25
10. O le Nofoaga o le Providence	27
11. E le Mana'o le Atua e Aveese Lau Filifiliga	29
12. Faamae'aina faatasi ma Lau Paaga/Au Sailiga.....	31
13. Faamae'aina Lau Malaga	33
Se Vala'au i le Auaunaga?.....	34

Folasaga

“Auā ou te iloa fuafuaga ua ou faia mo outou,” o loo fetalai mai ai le Alii, “o fuafuaga e manuia ai outou ae lē o le faaleagaina; o fuafuaga e avatu ai le faamoemoe ma le lumana’i.” - Ieremia 29:11

Talu ai o loo i ai le Atua e silafia ma silasila mai iā i tatou, ma silafia foi e la le lalolagi mai le amataga e oo i le i’uga, e talafeagai ma atamai le taumafai e faatulaga lou olaga e tusa ma le mea e finagalo i ai le Atua.

Pe a faapuupuu upu le Mataio 6:33, pe a tatou saili muamua ala ma le finagalo o le Atua, ona faapoopoina lea e le Atua o isi vaega uma o le olaga.

Ae faapefea ona tatou iloa le finagalo o le Atua mo o tatou olaga? Pe iai ea ni fuafuaga faapitoa a le Atua mo oe? Po o lea manatu e ono sese, ma ou faatulaga ai a’u lava i le ogatotonu o mea uma, ma misia ai le uiga moni o le Mataio 6:33?

Pe a tatou faitau i le Tusi Paia, tatou te iloa ai o le t’atele o tagata o loo malaga i lea lava malaga e tasi: o le sailia lea o le ala o le Atua mo i latou. O loo latou faamoemoe e faafesoota’i o latou olaga ma le ala va-apiapi a le Atua – auā o i’inā e maua ai le olaga lelei. A tatou faitau i a latou su’esu’ega, tatou te a’oa’o mai ai. E iai lesona tāua ma aoga e tatau ona a’oa’oina.

E pei ona tusia e Annie J. Flint:

E le’i folafola mai e le Atua

le lā e aunoa ma timuga,

le fiafia e aunoa ma le faanoanoa,

le filemu e aunoa ma le tiga.

(Mai le solo “What God Hath Promised”, 1919. Public Domain)

I lenei tusi taiala, e lē lava le avanoa e tali ai fesili uma. Na o lenei, matou te taumafai e faailoa atu ala e mafai ai ona e saili ma iloa pe faapefea ona ta’ita’iina oe e le Atua.

O lenei tusi taiala ua fuafuaina mo tagata uma: o se tamaitiiti aoga ua lata ona mae’a le tausaga o a’oga ma fesili pe o le ā le isi laasaga; o se tagata faigaluega ua lagona le lē mautonu ma se filemu i le galuega o loo galue ai i le taimi nei, ma lagona le valaau a le Atua i se mea e sili atu; po o se tagata ua lata i le litaea ma mafaufau i avanoa fou e mafai ona tatalaina mai. O lenei fo’i tusi taiala e mo soo se tasi lava.

E ui ina mafai ona e faitauina lenei tusi taiala i totonu o se taimi pu'upu'u, ae fautuaina le faitau lemu ma faaalu ni masina e faitau mae'ae'a lelei ai. Ae o le naunautauga ia e mafuta i le Atua ma mulimuli i Lana ta'ita'iga.

Atonu o loo valaau le Atua ia te oe i se mea fou ma tāua: se galuega fou, se auaunaga faafaife'au, po o le ulufale i le kolisi faafaife'au.¹ E ono avea oe ma se misiona i se isi itu o le lalolagi, pe avea ma molimau ma misionare i lou li'o i au uō. O mea ia e tatau ona faaalu i ai lou taimi.

O le manino ma lou malamalama i le finagalo o le Atua e lē faigofie. E masani ona tatou iloa lelei pe a toe tepa i tua. E tatau ona tatou manatua e lē tutusa ala o le Atua ma o tatou ala (Isaia 55:8–9). Pe o tatou fesili ea i fesili sa'o? Pe o tatou vaai ea i le faafitauli i le auala sa'o? Pe e iai ea se ala e tasi ua saunia e le Atua mo a'u, po o le tele o ala e mafai ona savalia i totonu o lenei vaomatua ua ta'ua o le olaga?

I le amataga, o le fuai'upu o loo i le pito i luga o lenei vaega e masani ona faaaogā ma toe ta'ua soo pe a talanoa i le manatu o le “fuafuaga a le Atua mo lo tatou olaga.”

Peita'i, pe a tatou faitau i lea fuai'upu i lona tala'aga atoa, tatou te iloa ai e lē o fetalai le Atua i se tagata e to'atasi, ae o loo fetalai i le nuu o Israelu o loo nonofo i le tafeaga.

E lē o faailoa mai e le Atua i lenei vaega le auililiga o Lana fuafuaga, ae na o le faailoa mai ma le mautinoa o loo iai Lana fuafuaga—o se fuafuaga lelei—e manuia ai i latou ae lē o le faaleagaina. O se fe'au faamafanafana lea mo se nuu o loo pagatia ma tigāina.

E lē o se fuafuaga e manuia ai tagata taitoatasi, ae o se fuafuaga mo le nuu atoa. E to'atele tagata ta'ito'atasi e lē oo i le i'uga, ae o le nuu lava ia e faaauau pea ona ola. E oo lava i le toe faasa'olotoina, e lē tupu se'i vaganā ua mavae le 70 tausaga.

O lea la, o lenei fuai'upu o se vala'au e faatuatua i le Atua i mea e lē o iloa, ae lē o se faaaliga o se fuafuaga auililili mo le tagata lava ia.

¹ See page 36

O loo galue le Atua i se tulaga e sili mamao atu nai lo lo’u malamalama pe a ou manatu o lenei fuai’upu o se folafolaga patino mo a’u, e avatu ai se faasoa i se olaga o le tamaoaiga ma le manuia. Afai e tasi le mea ua ou a’oa’oina, o le fesili, “E iai se fuafuaga a le Atua mo lou olaga,”? E masani ona faaogā e nisi failauga e aunoa ma le loloto lenei fesili. E saunia ai i tatou mo le faanoanoa pe a tatou iloa ai e lē o i tatou o le ogatotonu o mea uma, ma e faigata le olaga.

Ua sili ona fesoasoani ia te a’u le faapea atu: **E iai le fuafuaga a le Atua mo le olaga—o le sailia o ē ua leiloa, le toe faaleleia o ē ua loto nutimomoia, le faasa’olotoina o ē ua saisaitia**—ma e vala’au mai le Atua ia i tatou e avea ma vaega o lea fuafuaga (Luka 4:18–21).

E iai le fuafuaga a le Atua mo le olaga—o le sailia o ē ua leiloa, le toe faaleleia o ē ua loto nutimomoia, le faasa’olotoina o ē ua saisaitia

A tatou auai i le fuafuaga a le Atua, o i inā e maua ai le olaga faamalieina.

E leai se isi nofoaga e sili ona lu’itauina ai i tatou i le mafaufau i fuafuaga a le Atua mo o tatou olaga nai lo le olaga o Iesu. Pe ana faapea o le Alo lava ia o le Atua, semanu e ola i se olaga faapitoa—tumau i le tamaoaiga ma le viiga, faataunuuna mana’oga ma faanaunauga?

Ae lē o lea. Na fanau Iesu i le mativa ma le lē amanaia ina, ma sa ola ai i le lē iloa e tagata. Mulimuli ane, ina ua oo lona olaga i le taimi e foliga mai o le mamalu ma le lauiloa, na faifai ma faalumaina o ia, teena ma faalataina, ma tauaveina le satauro e oti ai. Na faaleaogāina lona soifuuga e ala i le faasatauroina.

O ala o Keriso, tatou te iloa ai e lē o ala ia tatou te mafaufau i ai e taitai atu ai i le mamalu; ma ua toe faauigaina foi le uiga o le mamalu. O le alofa e foa’iina atu o ia lava, o le malosi lea e faagaioia ai le lalolagi atoa.

O le Ala lea o loo tatou sailia, o le Upu Moni lea o loo tatou fia iloa, ma o le Ola lea o loo tatou naunau e ola ai (Ioane 14:6).

Vala’au atu ia te oe e ulufale mai i lenei malaga o le faautauta ma le mautinoa. O se ala e mafai ona e savalia i le tele o taimi i lou olaga. E lē fuafuaina e avea ma tali tumau, ae o se taiala e fautuaina ma faasino mai. O nisi vaega o le a sili atu ona tautala manino nai lo isi, ae e pei lava o le faatoaga: e te seleseleina mea e te lūlūina. O le tele e te tuuina atu, o le tele foi lea, matou te talitonu, e te maua ai.

Ia iai le Atua faatasi ma oe i lau malaga.

1. Valā'au i le Tatalo

*“E te saili mai a’u ma e te maua a’u, pe a e saili mai iā te a’u ma lou loto atoa.”
Jeremia 29:13*

E lē mafai ona tatou iloa le finagalo o se tasi mo i tatou, pe a lē talanoa faatasi ma ia.

Afai e te faamoemoe e savavali faatasi ma le Atua i lou olaga, e tatau ona e mafuta i se olaga tatalo. I lenei olaga tatalo e lē gata i le sasaa atu o lou loto i le Atua, ae e aofia ai ma le faalogo i le finagalo o le Atua, ma mafaufau loloto i mea tonu o loo fetalai mai ai le Atua iā te oe. E mafai ona tatou iloa le tali mai a le Atua e ala i le natura, tulaga o le olaga, musumusuga lilo, le Tusi Paia, le poto ma le atamai o isi tagata, e oo lava i le filemu:

<https://tinyurl.com/5abj7kv9>



O le tatalo ia lē gata ina e maua le tali i lou mafuta i le tatalo, a ia e tumau ma lagolagoina oe i lou olaga atoa. Aua ne'i e manatu faatauva'a i le tatalo. Faa-alu aoga le taimi e tapu'e ai lou olaga tatalo a'o e taumafai ai i isi laasaga o lenei faamoemoe.

2. Sailia se Paaga mo le Fefaasoa'i Faaleagaga (Discernment)

“O outou nei o le tino o Keriso, ma e ta’itasi outou ma se vaega o lea tino.” 1 Korinito 12:27

E lē o se tapuaiga e fai to’atasi le avea ma Kerisiano. O lo tatou Atua o se sootaga o le alofa: le Tama, le Alo, ma le Agaga Paia—o loo i se sootaga tumau o le alofa. E lē finagalo le Atua tatou te finau pe saili ta’ito’atasi i le olaga.

O le laasaga lona lua i lenei faagasologa o le fefaasoa'i faaleagaga, o le faa avanoa lea o se taimi e talanoa ai ma se tasi e mafai ona avea ma ou faiaoga po o se ta’ita’i faaleagaga (mentor). Po'o lau Faifeau/Pastor, ia po o se Toeaina (Elder), po o se tasi ua matua i le galuega.

O le mentor —o se tasi e pei o se fa’ata e fesoasoani ia te oe e vaai manino, ma fesoasoani e faa-tonutonu oe i le ala sa’o.

Se tasi e te lua savavali faatasi i lenei faamoemoe.

O mea e mana’omia ona faia e le Mentor:

- Faalogo i mea o loo e faamatala atu—ma faasoa mai sana fesoasoani!
- Faalogo i mea o loo faia e le Atua i lou olaga.
- Faamalosiau ma ni fautuaga taua ma le aoga mo lou taumafai.

O lau galuega o le sailia lea o se Mentor e aoga ma talafeagai.

O leisi auala taua e tumau ai le loto finau o le savavali faatasi ma le Atua ma uō atamamai ma faamalosi a'u i lou taumafai.

Lo’u Paaga: _____

Taimi tatou te feiloa’i ai: _____

3. E Manino le Finagalo Aoa o le Atua

“O le ā ea le mea e mana’omia e le Alii iā te oe? Ia e faia le mea tonu, ia e alofa i le agalelei, ma ia e savavali ma le loto maualalo faatasi ma lou Atua.” Mika 6:8

I nisi o taimi e mafai ona faalavelaveina i tatou i amioga a nisi Kerisiano. Ua e vaaia ea ni tagata atamamai, lototetele, ma tele meaalofa, ae aunoa ma se gaiioiga, ona latou te lē iloa le mea e finagalo i ai le Atua?

O le mana’o e saili le Atua o se mea matagofie ma le taua. Peita’i, o le nofo umi e aunoa ma se gaiioiga e lē ogatasi ma le Tusi Paia (silasila Mataio 25:14–30).

E manino lelei le finagalo aoa o le Atua i le Tusi Paia. Ua tuuina mai e le Atua le tele o mea e fai. E lē tatau ona tatou nonofo faatalitali ma faapea mai e lē iloa le finagalo o le Atua mo i tatou—auā ua tatou iloa!

E iai vaega o le Tusi Paia (*o loo tusia i lalo*) e ao ona faitau ma mafaufau loloto i ai. O vaega taitasi o loo faailoa mai ai le finagalo o le Atua mo itu uma o le olaga. Afai e lē o tuuina mai e le Atua se faasinoga patino i se mataupu, o le faatuatua i le faasinoga aoa o le Atua o se fautuaga lelei. E masani pe a amata ona tatou galulue i le finagalo aoa o le Atua, ona faamanino mai lona finagalo moni.

I le tusi Galuega a Aposetolo 16:6–10, o loo mulimuli Paulo i le poloaiga aoa a Iesu: “O lea, ia outou o atu e fai nuu uma ma soo” (Mataio 28:19). Peita’i, sa iai se mea o loo taofia ai i latou mai le o atu i Asia. Sa latou taumafai pea, seia oo ina miti Paulo e uiga i se tagata mai Maketonia. Ona latou iloa lea o le finagalo manino o le Atua i lea taimi.

Faasoa mea uma o loo a’oa’oina mai nei fuai’upu ma i latou o loo saili pei o oe!

1. **Teuteronomie 30:1–20** (Filifili le Ola.)
2. **Mika 6:1–8** (faai’u i le fuai’upu 8).
3. **Mataio 5:1–7:29** (“Lauga a Iesu i le Mauga”—o le faauigaina fou e Iesu o le tulafono a Mose, ma le tele o faasinoga mo le olaga.)
4. **Mataio 7:1–12** (faai’u i le fuai’upu 12: “o le aotelega o le tulafono ma perofeta”).
5. **Mataio 22:34–40** (e toe faaleo ai Mataio 7:12; tagai Roma 13:8–10, Kalatia 5:14, lakopo 2:8).
6. **Mataio 28:16–20** (Le Poloaiga Sili).
7. **Luka 10:25–37** (Ua faapoopo e Luka se faata’ita’iga i Mataio 22:36–40).
8. **Ioane 13:2–17, 34–35** (O le faamatalaga a Ioane e tutusa ma Mataio 7:12 ma 22:36–40).
9. **Roma 12:1–8** (Ia avea o tatou olaga ma taulaga ola.)

10. **1 Korinito 13** (Afai e lē o le alofa, e leai se aogā.)
11. **Efeso 5:1–20** (Tele fautuaga mo le olaga i aso uma.)
12. **Filipi 2:1–13** (Ia iai le mafaufau e tasi ma Keriso Iesu).

Avanoa e tusi ai mea e te a'oa'oina

4. Valā‘au e Su‘esu‘e Meaalofa Fa‘aleagaga

“E eseese meaalofa, e tusa ma le alofa tunoa ua foa‘iina mai i tagata ta‘ito‘atasi.”

Roma 12:6

Ua faailoa mai i le Roma 12 (tagai ane fo‘i i le 1 Korinito 12) e iai meaalofa a i tatou uma—ua foa‘iina mai e le Atua. Ua toe faamanatu mai e le Tusi Paia: afai ua tuuina mai se meaalofa, ia faaaogā mo lona faamoemoe! (tagai Mataio 25:14–30).

Afai tatou te fia iloa po o le ā le mea tonu o loo valā‘auina ai i tatou e le Atua, i tua atu o mea lautele e tatau ona fai e Kerisiano uma, ia amata i le iloaina o au meaalofa—fa‘aleagaga ma fa‘alenatura. Afai ua tuuina mai e le Atua se meaalofa, e finagalo o la ia tatou faaaogā!

I lalo o loo iai se sootaga i le suega SHAPE, o se mea faigaluega i luga o le initaneti ua fuafuaina e fesoasoani e te iloa ai au:

- **Meaalofa Fa‘aleagaga (Spiritual Gifts)**
- **Loto ma naunautaiga (Heart)**
- **Tomai (Abilities)**
- **Uiga o lou tagata (Personality)**
- **Aafiaga ma le poto masani (Experience)**

E mana‘omia lau imeli e te faogaina ai le sootaga lea. Ia faaoga nei loa!

<https://tinyurl.com/yxu62mc7>



Avanoa e tusi ai mea ua e iloa ma taua:

O A'u Meaalofa Fa'aleagaga:

O Mea e Fa'aosofia Lo'u Loto (Heart Beats):

Tomai (Abilities):

Uiga o Lo'u Tagata (Personality):

Aafiaga ma le Poto Masani (Experiences):

5. Valā'au e Su'esu'e Tala mai le Tusi Paia

O lo tatou iloa o nisi tagata ta'uta'ua e pei o Aparaaamo ma Mose, o loo i ai a latou tala o valā'au manino. Ae e oo lava i tagata laiti e pei o Hakara ma Reopoamo, latou te taumafai e saili lo latou tulaga i fuafuaga a le Atua.

E masani ona galo ia i tatou, e seasea avea i tatou ma Mose po o Tavita i lo tatou vaitaimi. E mafai ona tatou faatino nisi vaega laiti, ae leai se tāua.

O loo tusia i lalo nisi o tala i tagata o le Tusi Paia e mana'omia e te su'esu'e iai. Faamoemoe maualuga ia lava se taimi ma sou avanoa e faitau manino ai nei tala ma lau paaga po o au uo fa'atutauta i le tatalo, i auala e galue ai le Atua i suiga ma faigatā o le olaga. Faamoemoe e te faitau ma su'esu'e i le tolu po o le fa o nei tala.

- **Iakopo** (Kenese 25:19–34, 27:1–33:20, 35:1–29) – E le o se tagata lelei Iakopo. Ae o le aao o le Atua o loo i luga ia te ia. O lana malaga umi i le toe faasa'olotoina. I le í'uga, ua valā'au o ia o Isaraelu.
- **Iosefa** (Kenese 37:1–36, 39:1–50:26) – O se tasi o tala e lagona ai le malosi tele i le Tusi Paia; e lē faigofie le ala o le fuafuaga a le Atua. Pagatia, le amio sese, tiga, toe faasa'olotoina. E ono mafai ona tatou maua se tala e tutusa ma lenei?
- **Iona** (Iona 1–4) – Na sola Iona mai le fuafuaga a le Atua, ae e lē tuulafoaina e le Atua o ia (po o tagata Nineva). E masani ona tatou popole pe a fai se mea sese e mafai ona faaleagaina le fuafuaga a le Atua. Ae e le faaleagaina i lenei tala.
- **Eseta** (Eseta 1–10) – O le tusi a Eseta e manaia tele ona e lē ta'ua le “Atua” po o le “tatalo” i lenei tusi. E mafai ona avea o se tala faalelotu. Peita'í, tatou te va'aia le aao o le Atua i le taiala (providence). E oo lava i le taimi o le tuufua, pe a faigatā le vaai i le Atua, sa i ai pea o la.
- **Saulo** (1 Samuele 9:1–11:15, 13:1–24:22, 26, 28, 31) – O le tala a Saulo e pei o se tala faaletonu. O se tagata sa iai le alofa o le Atua ae na ia tuua.
- **Reopoamo** (1 Malaki 11:41–12:24, 14:21–31) – O se tala i le faia o se faaiuga sese, ae o loo i le fuafuaga tele a le Atua.
- **Maria** (Luka 1:26–56, 2:1–52, 8:19–21; Ioane 2:1–12, 19:23–27) – O le tama'ita'í na avea ma tina o le Alii.
- **Peteru** (Mataio 4:18–22, 8:14–17, 10:1–8, 14:22–36, 16:13–17:13, Ioane 13:1–17, Mataio 26:17–75, Ioane 20:1–10, 21:1–25, Galuega a Aposetolo 1–5, 8:9–25, 9:32–11:18, 12, 15, 1 & 2 Pita) – O le malaga a Peteru e matagofie tele.

Avanoa e tusi ai mea ua e a'oa'oina mai tala i le Tusi Paia:

6. Valā‘au e Su‘esu‘e Uiga o Lou Tagata (Personality Type)

“Aua le faasili le manatu o se tasi i le mea ua tatau ona manatu ai, a ia mama le manatu, ia tusa ma le tofiga o le faatuatua ua taitasi ma tofu ai mai le Atua.”

Roma 12:3

“O le Iloa Lou Lava Tagata” na tusia i le temple o Apollo i Palea-Greki. E fetau ma upu a Iesu e “Ave‘ese le lala i lou mata i luma atu o le taumafai e ave ese le mutia i le mata o lou uso” (Mataio 7:3–5).

O lou faapea ifo o oe lava e tāua tele i le olaga lenei, ae e pei o le faaupuga a Iesu, e sili atu ona faigatā nai lo le mea e tatou te manatu ai.

The Big Five

O le lima-facto o uiga o le tagata o se tasi o faiga e sili ona su‘esu‘eina lelei i le lalolagi. E fua ai uiga o le tagata i – Avanoa (Openness), Fa‘amaoni (Conscientiousness), Fa‘asoa atu ma Fealofani (Extraversion), Agalelei (Agreeableness), ma Nervousness (Neuroticism).

<https://bigfive-test.com>



Myers-Briggs

O se faiga e lē tele suesuega faasaienisi, ae ua fesoasoani i le tele o tagata e iloa o latou lava. E faaaogā ai faailoga e fa e fatu ai 16 ituaiga tagata.

<https://www.16personalities.com>



O le Enneagram

O se isi faiga e lē tele suesuega faasaienisi, ae ua fesoasoani i nisi tagata e iloa o latou lava. E faaaogā ai ituaiga e iva o uiga o tagata.

<https://tinyurl.com/5cuc26ks>



Avanoa e tusi ai mea ua e iloa ma taua:

My Big Five Results...

My Myers-Briggs Results...

My Enneagram Results...

Sailiga o le Finagalo o le Atua

O le auala o lo’o faatulaga ai lenei tusi e mafai ona foliga mai e faigofie lava le sailia o le finagalo o le Atua – e na o le mulimuli i ni la’asaga manino. Ae o lo tatou olaga moni e ese: e lē faigofie, e fenumiai, ma e tele ina lagona nai lo le mafaufau.

E pei ona tatou va’ai i le Tusi Paia, e lē o se mea e mulimuli i se fomu tumau le sailia o le finagalo o le Atua. O nisi taimi e matua manino mai ai mea e finagalo i ai le Atua, ae o isi taimi e pogisa ma e lē mautinoa.

I le tusi a Jonathan Haidt, *“The Righteous Mind,”* e faamatala ai e ui lava tatou te manatu o tatou mafaufau e pule i mea uma, ae o a tatou lagona ma faalogona e tele ina taitaiina ai i tatou. E lē o se mea leaga, ae o le mea masani lea o le tagata. E masani ona tatou lagona muamua se mea, ona tatou mafaufau ai lea e faamaonia a tatou lagona i tatou ma isi.

Mai lenei mea e mafai ona tatou iloa ai: e seasea ona tatou mafaufau malosi e maua ai le finagalo o le Atua. Nai lo lena, e ala mai i mea o lo’o i totonu o lenei tusi—o mafaufauga, tatalo, ma faiga faaleagaga—e tatou te lagona ai le finagalo o le Atua, ona tatou mafaufau ma faamalamalama ai lea i isi.

Atonu e fai sina faigatā lenei mea i ē e fiafia i auala faalogika, ae e ogatusa lelei ma le mataupu o le Tusi Paia.

“...A o latalata i le gataaga o la’u matafaioi lona lua o le Faife’au, sa iai ni mea na tutupu sosoo mai, ma na ou maua ai se lagona malosi e tataua ona ou alu ese ma aga’i atu i se isi mea. I le tele o itu, sa lē talafeagai: sa ou mulimulita’ia le vaaiga a le Atua mo le matou faife’au mo le silia ma le sefulu tausaga ma sa i ai fua lelei o le galuega. Sa faigatā ona faamatala. Sa na o lo’u iloa lava ua oo le taimi. Sa ou taumafai e faamatalaina i isi, ae mulimuli ane, sa ou taofia ma faailoa atu, “Ua ou lagona ua oo le taimi.” Na to’atele na ofo i la’u faai’uga.

Sa leai sa’u fuafuaga mo le mea o sosoo ai—o se mea e seasea tupu mo a’u. Sa ou taumafai e faatuatua i le Atua i totonu o le mea e lē mautonu. O nisi aso sa ou faia lelei, ae o isi aso sa ou fesiligia a’u lava, “O le ā ua ou faia?”

I lenei vaitaimi o le vaeluaga, sa ou talosaga mo nisi galuega sa ou manatu e atoatoa mo a’u—ae e le’i talia a’u. Sa ou lagona le ita i nisi o nei mea ma sa

ou fesili i le Atua, “O fea e te iai?” Sa fautuaina foi a’u e isi e talosaga mo ni galuega sa lelei i pepa—ae e lei lagona e tatau ai.

I le i’uga, sa ou tau pa’ū i totonu o se galuega sa toetoe a ou misia. Ina ua ou talia lea galuega—ma ina ua mae’a sina fetuutuuna’i—sa ou lagona e tonu. Sa mafai ona ou iloa le mafuaaga na ou te le’i maua ai galuega muamua. O lenei galuega e lē gata na aveva ma faamanuiaga mo a’u, ae o se faamanuiaga foi mo isi.”

O le tala i luga o lo’o faamatala ai le mea e ta’ua o le *liminal space* – o le avanoa i le va o mea, le taimi o le suiga. E mafai ona tatou maua i totonu o lenei avanoa mo ni aso, vaiaso, masina, po o tausaga. O se avanoa e tatou te lagona ai le leiloa, le mautonu ma le fenumiai. O se avanoa e tatau ona tatou taliaina ma ātoa pe a tatou fia aga’i i luma.

E faaaogā e William Bridges le upu a Robert Frost e faamatala ai lenei tulaga: *“lost enough to find ourselves”* – ua lava lou leiloa e mafai ai ona e toe maua lou tagata moni.² O le aveesea o le pisa uma ma mea masani e faatumulia ai lou olaga, ina ia mafai ona e toe faalogo lelei i le Atua.

E pei ona faaalua i le faitauga o le Esoto i le vaega o sosoo ai, e masani ona tatou iloa le fuafuaga a le Atua pe a mavae mea—i tua atu. E tatau ona tatou alu i le malaga, fai le mea sili e saili ai le finagalo o le Atua, ma laa i luma i le faatuatua pe a oo le taimi.

Na faamatalaina e Søren Kierkegaard le mea ua lauiloa nei o le *“Kierkegaard’s Leap”* – o le laasaga tele e tatau ona faia e le toatele o tatou ina ia ulufale i le fuafuaga a le Atua mo i tatou. O lenei mea e pei o le ata lauiloa i le tifaga Indiana Jones and The Last Crusade.

A o sailia e Indie le ipu a Keriso, sa ia mulimuli i faailo, ma taunuu ai i se vaituloto loloto na tapunia le auala. Sa leai se auala e sopoia ai; sa loloto tele ma matautia. Ae o lona tama o loo lata i le oti, ma o faailoga uma ua sa’o mai i le amataga, o lea na ia laa atu ai i le mea e foliga mai e leai se ala. Ina ua ia laa atu i le faatuatua, na oo ifo lona vae i luga o se alalaupapa sa natia ma faafoliga e pei o le papa o le isi itu.

² Transitions: Making Sense of Life’s Changes; 2019. Hachette Book Group. p125.

O le manatu autū a Kierkegaard e fai si loloto. Fai mai o ia, e tatau ona e su'esu'eina se mataupu i le mea e mafai ai—pe o su'esu'ega faasaienisi pe o su'esu'ega faalelotu. Ae i se taimi, e tatau ona e faia se laasaga lelei tele—se *laasaga lelei o le talitonu*. E tatau ona e kolosi ese mai le masalosalo i le talitonu. I le faia o lenei sopoaga, e tutupu ai ni mea loloto ma tāua i totonu o le tagata.

The greater the doubt, the greater the awakening

C.C. Chang, *The Practice of Zen*

“O le tele o le masalosalo, o le tele fo'i o le potu ma le fa'amaninoina.”

— C.C. Chang, *The Practice of Zen*

O filifiliga tetele o le olaga e masani ona taofia ai i tatou ona o lo'o tatou mafaufau tele i le lelei ma le leaga o itu uma. O le taumafai e su'e uma fa'amatalaga ma fa'amautinoa i taunu'uga, e mafai ona fa'avaivai ai i tatou ma fa'alavelave ai le mafaufau. Ae i le i'uga, o le pau lea o le auala e iloa ai le ala moni – o le laa atu ma fai le laasaga. A e laa atu, e amata loa ona suia mea.

O le oo mai i le faatuatua, e tai tutusa lelei. E te le maua uma tali. Ae a e laa atu i le faatuatua, ona amata lea ona galue le Atua i lou olaga.

“...Ou te manatua a o ou talavou, na oo ai lo'u olaga i se tulaga ua uma ai lo'u malosi. Na ou iloa e le mafai ona ou faaolaina a'u lava. E le'i lelei a'u, ma e le mafai fo'i ona ou lelei lava. Afai na tuua a'u e le Atua mo se faasalaga, semanu e tonu lava lana faai'uga.

Sa leai se isi mea sa mafai ona ou faia, ae pa'u atu i lima alofa o le Atua. Pe moni le faatuatua Kerisiano? Na'o le laa atu na ou iloa ai – ma na ou fai lava lo'u laasaga. Na pu'eina a'u e lima o le Atua. Na tali mai lo'u masalosalo uma, e le o ni faamaoniga, ae o le alofa. O le upu moni, o se tagata lava, o Iesu.”

E lē faigofie taimi uma le sailia o le finagalo o le Atua. E lē o taimi uma e manino, po o le talafeagai ma le mafaufau. O nisi taimi e finagalo le Atua ia tatou toa ma fai le faai'uga mo i tatou lava! Aua o lo'o iai pea le Atua, ma o lo'o tilotilo mai ma fai atu, “Ua e vaai i le faai'uga a lo'u afafine? E pei lava o lona Tama!”

7. Valā'au e Su'esu'e Fuai'upu o le Tusi Paia

“A fai e alofa mai se tasi ia te a'u, e tausia e ia lau upu.”

Ioane 14:23

Vala'auina oe e su'esu'e tala a tagata ma saili fo'i ala o latou olaga ma tulaga o le olaga. I le taimi nei, vala'auina oe e mafaufau i ni fuai'upu po o vaega patino o le Tusi Paia e faailoa mai e ono iai se fuafuaga a le Atua mo lou olaga. Fuai'upu e mafai ona faamaonia ia fuafuaga, ma fuai'upu e mafai ona lē faamaonia.

O le Tusi Paia e sili atu ona loloto nai lo le faitau o mataupu ma fuai'upu. Augustino na tusia, “alofa i le Atua ma fai mea e te mana'o ai,” talitonu o le a fetai le mana'o o le tagata ma le finagalo o le Atua pe afai tatou te alolofa i le Atua i mea uma. E fetai lenei ma Ioane 14:23 pe a tatou manatua le manatu autu o le alofa. A fai e te alofa ia Iesu, ona e usita'ia lea i ana a'oa'oga.

O nisi nei o fuai'upu e fautua ma vala'auina oe e faitau ma mafaufau loloto i ai:

Kenese 3:1–12 (v12) – O le a avea ma faailoga... Pe a faailoa Mose le masalosalo i le vala'au a le Atua (sa fai i taimi e 5), o le Atua e fai mai i le uiga, “e te iloa ua ou auina atu oe, pe a e ausia le sini.” E mafai ona iloa fuafuaga a le Atua i le toe mafaufau i mea ua tuana'i.

Iosua 4:13–15 – Iosua na fesili i le agelu, “O ai lou itu?” O le tali a le agelu e faailoa ai ua fesili i le fesili sese. O tatou o se vaega o le fuafuaga a le Atua? E oo lava ia Isaraelu sa latou sese.

Ieremia 29:4–14 (v11) – Ou te iloa fuafuaga... E lelei le mafaufau loloto i lenei vaega i le tulaga o le tala ma vaai pe faapefea ona avea o se tala lelei ma faamalosia up e faigatā.

Eseta 4:12–14 (v14) – Mo se taimi e pei o lenei... Manaia le mea e faaalua ai se fuafuaga faaliliu; o le faasao mai o le a sau mai se isi nofoaga. Taimi e iai le lototele e auai i le fuafuaga a le Atua.

1 Samuelu 10:1–7 (v7) – fai mea uma o lo'o i luma o ou lima... Fai mai Samu'elu ia Saulo ia faia mea uma o lo'o i luma o ia, ua i ai le alofa o le Atua iā te ia. O se manatu saoloto tele.

Roma 9:20–21 – O ai tatou e fesili ai i le Atua? Afai e na o se vaega laiti tatou i le tala a le Atua, aisea e fesili ai?

Kolose 3:22–25 (v23) – e pei ona galue mo le Alii. O le tulaga e faigatā, se upu i tagata pologa. E oo lava ia Paulo fai mai e iai le filifiliga, e tuuina atu lo latou galuega i le Keriso, ma o le a maua se tau. Sa moni mo Iosefa i le falepologa.

Avanoa e tusi ai mea e te a'oa'oina

8. Valā'au e Auauna – Saili ma Taumafai

“Aua le na’o le faalogo i le upu, ma fa’aseseina ai oe lava. Fai mea e fai ai.”
Iakopo 1:22

Na alofa tele Sarah i le motu o tagata. Na ia talanoa ma su’esu’e. Na fiafia i le avanoa e malaga faatasi ma nisi mo se fesoasoani.

I le ala, na ia iloa ai le tāua o le faalogo i isi i le tausiga, faapotopoto ma le faataua ina o avanoa ua maua. Peita'i i lona naunau e fia fesoasoani, na iloa ai e lē lelei lana faalogo. Na fiafia i le iai o tagata ae lē manino lana faalogo e ui na naunau e fia auai.

Sa tiga Sarah seia o’o ina faailoa mai e le taitai o le mafutaga lana meaalofa faapitoa i le agalelei i tagata. Na alolofa tagata o le mafutaga na ia faavaeina i lona fiafia ma lona malosi. Ua manino nei mea uma. I le taumafai, na faailoa e le Atua i ai le nofoaga lelei mo lana tautua.

E auala eseese mai le valaau a le Atua i se galuega po o se tiute. E vala’auina oe e taumafai e vaai pe faapefea ona galue le Atua mo oe ma i latou o loo siomia oe.

- O fea e te lagona ai o loo taiala ma valaau le Atua ia te oe?
- E faapefea ona e mautinoa e fetau ma oe? (Aua le saili pito-tasi, pe na'o sina taimi pu'upu'u! Saili so'o auala e faatino ai lou valaauina)
- Fa'a talanoa lau paaga po o lau uo fa'autauta e uiga i lagona ua e faalogoina.
- Fa'a talanoa ma i latou tou te galulue faatasi e iloa ai pe na lelei au taumafaiga.

Atonu o lo’o e mafaufau i nisi filifiliga. Taumafai i mea uma!

Avanoa e tusi ai mea ua e a'oa'oina:

9. Valā'au e Saili le Atamai/Le Tofa a lou Lou Nu'u/ Ekalesia

*“O fuafuaga e faaleaogaina ona e leai se fautuaga, ae e manuia i le tele o tagata
fai fautuaga.”*

Faataoto 15:22

Aiseā e talitonu ai i mata e tasi pe a mafai ona e maua mata e fitu e su'esu'e le tali?

O le a le poto masani ma le malamalama i tulaga pe'a faatusa i le nu'u atoa?

A e mafaufau i taiala a le Atua ia te oe, aiseā e le vala'auina ai lou nu'u e tatalo ma tu'uina mai o latou fautuaga ma le silafia i le mea e talitonu o loo fai mai ai le Atua?

E pei o atamai e faasoa i fono a nu'u, saili pe talafeagai ma le finagalo manino o le Atua e pei ona molimau le Tusi Paia.

E mafai fo'i ona e faasoa ma lau paaga po o lau uo e te talitonuina, poo se faiaoga atamai.

Aua le taumafai e faaoga na'o fautuaga o loo ta'u mai ai le mea o loo e fia faalogo i ai!

O ai o le a e talanoa i ai?

O ā mea na e maua?

Avanoa e tusi ai mea ua e a'oa'oina:

10. O le Nofoga o le Providence

“E mea uma o lo’o e faia, fai ma lou loto atoa, e pei ona galue mo le Alii, e le o tagata.”

Kolose 3:23

I le toe mafaufau i lou olaga, e tele ni mea na tutupu e foliga mai e faalavelave mai, na fesoasoani ia te oe i le tulaga o lo’o i ai nei.

O ā mea o lo’o i luma oe i le taimi nei?

Pe a e faia se lisi o filifiliga o lo’o i luma o oe, e leai se mea e afaina ai le faia o se lisi puupuu e taunuu manuia (Luka 14:28). O le ā le taua o le faia o lenei filifiliga? E manuia?

E le mafai ona maua uma faamatalaga ma se malamalamaaga atoa, o lea e te manaomia ai le talitonu, savavali ma le Atua, ma faia le la’asaga muamua. E le mafai ona ola i le olaga talitonu e aunoa ma le talitonu.

I le tele o tala faasolopito o tagata, e leai ni filifiliga tele i le mea e foliga mai o le a avea ma galuega po o le olaga. O tatou lumana’i sa faatulagaina e le fanau ma aganuu: mulimuli i laasaga o tatou matua. O le filifiliga na i ai o le faamaoni po o le le fiafia i mea na maua.

O lenei mea e mafai ona avea ma le filifiliga tāua tele.

I taimi e tele ai filifiliga, e toatele e le mafai ona faia se filifiliga ma le fiafia, ae popole i misia se filifiliga sa’o, ma misia ai le avanoa. Aua e te faalagolago i le “masalosalo tele”, amata manuia au filifiliga.

O ā filifiliga o i ou i luma I le taimi nei?

O lea le taua ma manuia o ia filifiliga ta’itasi?

Avanoa e tusi ai mea ua e a'oa'oina:

11. E le Mana’o le Atua e Aveese Lau Filifiliga

Faaali mai ou ala ia te a’u, Alii, a’oa’o mai ou ala.”

Salamo 25:4

E tele taimi e mana’o le tagata e tali mai le Atua i se auala manino ma malamalama i mea e tatau ona fai. “Faaali mai se faailoga, Le Alii e!” Ona faigofie lea o le olaga.

O le natura o le Atua e alofa. Ua vala’au, ua foa’i, ma o loo mafuta ia i tatou i se faalogo/lagona filemu. E le o se pule e fai poloaiga malosi. O le Atua i le Tusi Paia e vala’au, faamalosi, ma galulue faatasi ma i tatou.

E le manao le Atua e aveese lau filifiliga. Na talia e luta lana filifiliga e faasala iā Iesu, faapea foi ma le tupu o Saulo i lana filifiliga e teena le Atua.

O le galuega faigatā, ae tāua, o le faalogo i le mea o lo’o fai mai ai le Atua ma, i le faamaoni, filifili oe lava e mulimuli i le ala.

Ia teuteu oe i au filifiliga ma o latou tulaga lelei ma le le lelei.

Galulue faatasi ma le Atua i lenei malaga o le olaga. Aua e te sola ese i le matafaioi mo lou tagata ma le mea o lo’o e alu i ai.

Mulimuli i lenei ala o le a fesoasoani ia te oe e tupu, malosi, ma maua se talitonu loloto ma faamanuiaga i lou olaga, ma avea ma tagata e sili atu le foliga ia Iesu.

Mo le Mafaufau Faatasi ma Lau Paaga/Au

Fesili: E maua le manatu e faaaoga le faamasinoga a le Atua e faaitiitia ai lo'u mata-faioi e manaia?

Fesili: E faapefea ona ou avea ma paaga mafana ma le Atua, e le o se faasese po o se pologa? (Siaki Luka 15:11-32)

Fesili: Na i ai se filifiliga tele a lona i lona aafiaga?

12. Faamae'aina faatasi ma Lau Paaga/Au Sailiga

“E le faigofie ona motu se filo e tolu.”

Failauga 4:12

Manatua e te maua se sootaga tāua ma lau paaga i le saili.

Tatalo i le Atua ua faia se mea mata’ina i lou olaga i lenei malaga.

Fa’amasani le faai’u ina o lenei malaga faatasi. E mafai lava ona e faaauau pea i se isi auala, ae atonu e ese le auala mai le taimi nei. O taimi nei e te filifilia ai.

Ia e faia se faaiuga tonu ma le taua mulimuli e ‘faai’u’ ai lenei malaga.

E tāua le faai’uga lelei o nei sootaga ma mafaufau i mea o le a suia.

O nisi taimi e mafai ona tatou talia fiafia faai’uga faapenei.

Ia e fesili, “O ai o lo’o ou fa’apea i ai, ma o ai ou te fa’apea ai?” o se vaega o lau tautinoga faaauau i le avea ma Kerisiano.

Fesili mo le paaga i le sailiga:

- E fa’apefea ona e iloa ua ou matua ma a’oa’oina a’u i lenei taimi?
- O anafea na e va’ ai ma faalogo ua galue le Atua i lo’u olaga?
- O le ā se faamalosi au e tasi, e te tauaveina i lenei malaga?
- O le ā se fautuaga mulimuli e te fia fa’asoa mai ia te a’u?

Mo le Tagata o lo’o Malaga

- O anafea na e vaaia ma faalogo ai le Atua i lou olaga?
- E iai se malamalama manino i le mea o lo’o taiala ai le Atua ia te oe?
- O le ā lau laasaga a’e i lenei ala?
- Na faapefea ona fesoasoani lenei taimi ia te oe?
- O le ā le tasi o faamalosiaga e te ave i lenei malaga?
- O le ā le mea o le a sui i lenei sootaga mo oe?

13. Faamae'aina Lau Malaga

“Ua ou iinei. Auina mai a’u.”

Isaia 6:8

E faigofie le na’o le tusi i lalo o au fuafuaga aua e tele le avanoa e ausia ai. Ae afai e ta’u i isi, e faateleina ai foi le avanoa e faatino ai.

Toe vaai i lenei tusi. Toe faitau au tusitusiga. Ia tatalo ma le matala i le Atua. Tautala i fesili oi lalo ma faasoa ma talatalnoa ma seisi e fesoasoani ia te oe e faalautele ai.

Fesili: O ā mea tāua ua e iloaina e uiga ia te oe i lenei malaga?

Fesili: O ā mea tāua ua e a’oa’o e uiga i le Atua?

Fesili: Na faapefea ona suia lenei malaga i lou mafuta i le Atua?

Fesili: E faapefea ona e mana’o ia suia oe i lenei malaga?

Fesili: O fea o le Tusi Paia e te mana’o e faailoa o ni fa’avae mo lau malaga i luma?

Fesili: Faai’u lenei fuaiupu:

- Ou te lagona ua vala’auina...
- I lenei taimi, lo’u faamoemoega i le olaga o...
- Ou te mana’o e mulimuli i...
- I le lua masina, ou te mana’o e avea ma...
- Mai le taimi nei, le manuia i le olaga foliga mai o...

Se Vala’au i le Auaunaga?

Ua tuu faatasia lenei tusi e le Queensland Synod o le Uniting Church e fesoasoani i se auala faafaigofie mo Kerisiano uma – i le sailia o le Atua i o tatou olaga i le taumafai e avea o tatou tagat e pei o Iesu.

E le mana’omia lou saina mo se vasega po o le faia o se paaga e faia lenei mea. Ae a e lagona le vala’au i le Auaunaga³ ina ua e faitau ma malamalama i lenei tusi, e iai se avanoa aloa’ia e faamaonia ma faamautu ai lenei vala’au.

I le Uniting Church⁴, o le vala’au i le Auaunaga e le na’o le sailiga fai toatasi, ae o le sailiga a le nu’u/fai toatele. E mafai ona fa’aaogaina se ata: pe a e alu i le Auaunaga, e pei o sou ‘tofi i le lotu.’ I so’o se tofiga, e tatau i itu uma e lua ona malilie! O le faiga aloa’ia e aofia ai:

:

1. Se avanoa mo oe e su’esu’e – pe moni lenei vala’au? E iai ia te a’u se tomai, uiga, agava’a ma le tumau ma le faamaoni le valaau? Su’e nisi galuega o le auaunaga ma a’oa’o i le mataupu faavae a le Atua. O le auaunaga e faigatā. E moni le vala’au?
2. Se avanoa mo le Ekalesia e saili ma su’esu’e lou vala’auina: O lo’o ia te oe le tomai sa’o, le atamai, le alofa ma le faamaoni e tumau i lenei valaau? O e ola i le loloto faa-le Agaga ma le lautele o le mataupu silisili?

E leai se faamoemo e avea oe ma “mea ua mae’a” i le amataga, ae matou te fia va’ai le “ma’a i lona atoaga.”

O le saina mo le laasaga sosoo – lea e ta’ua o le Phase 1 po o le Taimi o le Sailiga – e le o le saina o lou olaga atoa. E mafai ona e o’o i le i’uga ma fai mai, "Ou te le lagona le vala’au i le Auaunaga!" O se i’uga talafeagai lea.

Afai e te mana’o e mulimuli i le Phase 1, talanoa i lau paaga, Faifeau, po o le sii i lalo le pepa mai le uepaga tafa’ilagi nei

<https://tinyurl.com/58ypw6y2>



E le mana’omia le faaauau pea le tusi lenei pe a amata le Phase 1.

³ A call to become a Pastor, Preacher, Minister, Deacon or Missionary.

⁴ If you’re not part of the Uniting Church, talk to your own Minister/Pastor to find out what the process is for your church.

Fa'amatala mai lau tala!

Na e fetaia'i ma le Atua? Na fesoasoani lenei malaga ia te oe?

Fa'aaogā lenei sootaga e faasoa mai ai lau tala:

<https://forms.office.com/r/CKB3uB9y9L>



Afai e iai se Atua e iloa o tatou mana'o i le mea sili mo i tatou, o se manatu lelei, atamai ma taua. Peita'i, e le faigofie ona manino ma mautinoa le finagalo o le Atua mo lo tatou olaga. E maualuga tele ala o le Atua nai lo tatou ala, ma e ese la tatou vaai i mea lelei mai ala a le Atua.

O lenei tusi o lo'o ofoina atu ai ni laasaga e 13 e mafai e so'o se tasi ona faa-fetaui i lo latou olaga ma le fuafuaga a le Atua.

**O lo'o faamalosia ai fo'i le su'esu'eina o le Tusi Paia; tatalo;
saili se paaga i le sailiga o le Atua; ma su'esu'e meaalofa ua ia te oe, ma isi laasaga, ma tatalo ia mafai ai ona malosi ma fesoasoani i lou olaga i lenei taumafaiga.**



To download this document in other formats

